
OFFERYNNAU STATUDOL CYMRU

2014 Rhif 287 (Cy. 36)

LANDLORD A THENANT, CYMRU

**Rheoliadau Tribiwnlysoedd Prisio Lesddaliadau
(Ffioedd) (Cymru) (Diwygio) 2014**

<i>Gwnaed</i> - - - -	<i>11 Chwefror 2014</i>
<i>Gosodwyd gerbron Cynulliad</i>	
<i>Cenedlaethol Cymru</i> - -	<i>13 Chwefror 2014</i>
<i>Yn dod i rym</i> - -	<i>10 Mawrth 2014</i>

Mae Gweinidogion Cymru, drwy arfer y pwerau a roddwyd gan baragraffau 1 a 9 o Atodlen 12 i Ddeddf Cyfunddaliad a Diwygio Cyfraith Lesddaliad 2002⁽¹⁾, yn gwneud y Rheoliadau a ganlyn.

Enwi, cychwyn a chymhwyso

- 1.—(1) Enw'r Rheoliadau hyn yw Rheoliadau Tribiwnlysoedd Prisio Lesddaliadau (Ffioedd) (Cymru) (Diwygio) 2014, a deuant i rym ar 10 Mawrth 2014.
- (2) Mae'r Rheoliadau hyn yn gymwys o ran Cymru.

Diwygio Rheoliadau Tribiwnlysoedd Prisio Lesddaliadau (Ffioedd) (Cymru) 2004

- 2.—(1) Mae testun Saesneg Rheoliadau Tribiwnlysoedd Prisio Lesddaliadau (Ffioedd) (Cymru) 2004⁽²⁾ wedi ei ddiwygio yn unol â pharagraff (2).
- (2) Yn rheoliad 8(1) (waiver and reduction of fees)—
- (a) ar ddiwedd is-baragraff (e) dileer “or”;
 - (b) dileer yr atalnod llawn ar ddiwedd is-baragraff (f); ac
 - (c) ar ôl is-baragraff (f) mewnosoder—
“; or
(g) universal credit.”
- (3) Mae testun Cymraeg Rheoliadau Tribiwnlysoedd Prisio Lesddaliadau (Ffioedd) (Cymru) 2004 wedi ei ddiwygio yn unol â pharagraff (4).
- (4) Yn rheoliad 8(1) (hepgor a lleihau ffioedd)—

(1) 2002 p. 15. Diwygiwyd paragraff 1 o Atodlen 12 i Ddeddf Cyfunddaliad a Diwygio Cyfraith Lesddaliad 2002 gan Orchymyn Trosglwyddo Swyddogaethau Tribiwnlysoedd 2013 (O.S. 2013/1036), Atodlen 1, paragraff 148.

(2) O.S. 2004/683 (Cy. 71).

- (a) ar ddiwedd is-baragraff (ch) dileer “neu”;
- (b) ar ddiwedd is-baragraff (d)(ii) rhodder hanner colon yn lle'r atalnod llawn; ac
- (c) ar ôl is-baragraff (d)(ii) mewnosoder—
 - “(dd) Iwfans cyflogaeth a chymorth yn seiliedig ar incwm sy'n daladwy o dan Ran 1 o Ddeddf Diwygio Lles 2007; neu
 - (e) credyd cynhwysol.”

11 Chwefror 2014

Carl Sargeant
Y Gweinidog Tai ac Adfywio, un o Weinidogion
Cymru

NODYN ESBONIADOL

(Nid yw'r nodyn hwn yn rhan o'r Rheoliadau)

Mae'r Rheoliadau hyn yn diwygio testun Cymraeg a Saesneg Rheoliadau Tribiwnlysoedd Prisio Lesddaliadau (Ffioedd) (Cymru) 2004 (O.S. 2004/683) o ganlyniad i gyflwyno credyd cynhwysol gan Ran 1 o Ddeddf Diwygio Lles 2012.

Caiff rheoliad 8 ei ddiwygio er mwyn caniatáu ystyried y ffaith bod credyd cynhwysol yn cael ei dderbyn wrth benderfynu a ganiateir hepgor ffi tribiwnlys.

Caiff rhai mân ddiwygiadau eu gwneud hefyd i destun Cymraeg y Rheoliadau er mwy alinio'r testunau Cymraeg a Saesneg.